

衡陽縣志卷三

臺灣通志卷三

衡陽縣志卷第六

禮典第六

古者百里之國必備王朝之禮故有二社五祀二學先師國故之祀有射飲老孤公私之會記又曰君子行禮不求變俗儀文制度各從其國文質彬彬雅詩洋洋豈古今之不相及與謂州縣之不足興化成俗則是單父不琴而武城不弣也近歲以來監司之視牧令輕矣養廉入藩司則不恤其饔飧而獨祭祀銀坐支如初州縣之所最重者其猶有餼羊之存與縣學生屢爲議者所齟齬至形奏章思俾牧令專制之事竟不行軍興一切

覈減惟獨學額歲歲增加以風示天下昔者明代以軍
輸增國子監生特利其入貲耳今之世他人入貲而學
徒蒙

恩故海內兵革學校彌盛由此觀之論治州縣者于時
政他利弊猶可曰上不型志不遂也至于言禮視學則
大吏不與牧令相撓縣官不與士夫分尤誠杜自勉而
已衡陽當唐虞時親見二帝朝會之儀及于兩漢官士
高蹠子初以意度陵飛舒令以名字懾潘有唐右文爰
興石鼓自宋以來得賜額稱書院者九州四區衡陽得
一焉若夫建節義比松柏者杜晉拒桓溫于齊討蕭衍

皆明著大義光乎日月是以胡朱大儒響然來轅陳湛
名理蹇裳赴講其以禮成化者白衛颯顧憲之張纘齊
映劉清之諸公先後相望然今之臨縣者多疑憚于士
習而學生院徒聞守令泄學行禮賓興飲酒則裸然笑
之林廷式知縣事嘗再舉鄉飲之禮高選賓介以風閭
里又博訪節孝奏名旌表之當其時雖未可謂禮教協
洽然而庠序秩秩幾率俾而無囂矣石鼓號爲游議之
場而高人鑑知府事時生徒濯磨名材多出其中此皆
近歲親驗旋效之事由今興禮事半功倍之時也夫牧
令苟以催科爲能非

朝廷之意也學士耆老但以應試高第爲名亦非邦國之榮也交修其職而無相反脣則吏何渠不文翁士何渠不賈生禮云禮云無所不賅然卽律令之所通頒縣人之所習知誠循其本猶揖讓三代也不然則拜跪磬折之僇俗衣冠俎豆之媿陋俗吏之所奉行鄙生之所嬉游其禮者非禮學者非學俗且非俗而何足記箸之云

凡衡陽壇廟祀官給牲酒者十二祠

社稷壇杜西門外乾隆中知縣陶易以分縣分土舊壇地入清泉故出官奉新築今壇祭用春秋二仲月上戊

日羊二豕二爵二帛二登鉶各一籩豆各四簋簋各二
朝服九叩首二祭支銀十兩

神祇壇祀風雲雷雨山川城隍之神杜社稷壇北亦陶
易所立羊三豕三爵三帛七鉶二籩四豆四簋三簋三
祭日同社稷二祭支銀十兩其祭先農耕藉並杜府壇
今不載宋淳熙中劉清之立岫嶠壇以祈水旱今立常
雩祀于社稷壇以四月禮部擇日頒縣行禮若有水旱
知縣卜日用少牢祭神祇及社稷禱于城隍神龍神祠
縣皆隨府及清泉知縣同行事故不具載

厲壇杜北門外三里祀縣官無主後者與清泉同行事

以少牢用清明節日七月月半十月朔月牒城隍神爲
主補服三叩首壇下左右各羊一豕一左壇祀縣人官
制當立廟而無後者右壇祀謫遷之官自明頒祝文以
爲祭凡孤魂今人莫知厲壇之義其祀之盡僧道法莫
能正也而縣官叩頭于野鬼不典甚矣厲壇三祀銀十
三兩又米折銀一兩二錢六分

文廟祀孔子曰衡陽學宮杜望湖門外宋鄭向故宅也
開禧三年知縣事唐曄始立爲學祀先師以西湖爲泮
池元順帝時池廢教官何納蔣希畊先後復之明洪武
初知縣周岳以兵燹學廢卽舊趾重建其後知縣林靖

知府徐孚同知沈鉄巡道章邦翰各一修

國初順治十二年衡湘兵亂麤定學宮故基多爲燬矣巡道張兆罷采諸生之議經營攻位始樹棟楹弗克就工又六年教諭古通今乃請興修官募其資而宜章知縣歐允騰首出白金府官感焉各輸奉錢凡一年備殿廡之制康熙廿二年乃立明倫堂明年作靈星門又五年始疏泮池四十一年建書院其旁雍正四年于學宮左建節孝忠義祠八年知縣何衢始飾殿祠改建池亭射圃學舍及名宦鄉賢文昌諸祠乾隆後知縣歐陽純徐堂陶易范鶴年等先後興修初費銀四千六百餘

兩後費銀五千餘兩皆士民助資不請公帑申詳院司給獎貢生趙燕等有差清泉旣建惟別建學舍而殿祠是同咸豐中重修縣學宮大成殿易以石柱更建靈星門同治十一年大修殿宇釐正諸祠杜大成殿後及節孝祠杜門內者各改造之助資者錢過萬千規制益宏敞矣 縣學生舊額依大學之數分縣後學廩生十名增生十名歲科兩試各取附生十名佾舞生二十名歲貢與清泉分年凡四歲乃得以一人充貢然縣人試府縣者分縣後猶二三千人歲歲冀增額乾隆五十年提學錢澧請減乾州永綏兩廳學額各一名衡陽乃增取

附生二名共十一名軍興縣人輸助餉銀滿萬兩援

恩詔廣學額三名縣人彭玉麟以侍郎督水軍功成罷

兵軍士輸餉十萬分廣三學額衡陽得三名成俞卿續

輸淮揚軍餉銀二萬援成例復廣縣學額二名清泉孫

昌國復率所部輸餉十萬準新例不得加永額改爲暫

額十名衡陽得二名于是附生已取至廿名仍爲大學

矣武生額初止八名加爲十八名無科考無廩增貢生

成俞卿廣學額碑記曰咸豐初軍興

廷議勸諭各直

省富民輸財助餉既予獎敘爲身榮又綜計一縣所捐
及銀萬兩者加廣文武定額各一名準以遞加嗣後征
調日艱勇糧或不時給其有欠餉願輸于官者亦從其
所捐最多之人之籍並計廣其縣學額衡陽自分縣學
額才十名試提學者率一二三千人俞卿先人久爲諸生

幼受庭訓屢以學額過少爲恨然當時承平至重科名
一名之增減天子與大臣親議再三乃定故學使錢
豐奏加衡陽必奏減二廳其事難再行同治初侍郎彭
公底定江淮軍士輸餉十萬有詔分廣三學額衡陽
得三名其先縣中捐輸恩獎廣額三名俞卿部淮揚
水軍當領餉銀二萬開誠敦勸亦咸樂輸以例再廣文
武永額各二名于是縣學額廿名復比其初鄉先生嘉
俞卿從侍郎之後光復舊額謂有合于受成泮宮之義
宜爲文紀之蓋聞古者虎賁說劍以游庠序故推聖
主因助餉廣額之意作頌詩諗諸儒林曰惟聖先覺惟
皇有作樂事勸功然後興學庠序之衰民靡所裁下悵
其力上利其財繫昔徵發郊遂選兵今之捐輸寔亦過
更黃黃狂惠乃疑乃懟曰噲以義銀穀滂沛匪但富良
武士知方咸效其力益道乃行聖皇嘉之多士綏之
克廣德心泮宮歌之學以明倫上下相親教成堂室施
于萬民無謂幸恩說而後使武臣司干以喻君子

凡文武生入學有釋菜禮學官廩生率附生拜墀下今
廢不行官祭仍明制以春秋二仲月上丁日設六脩之

舞

康熙卅二年定

牲用太牢

雍正五年定

四配十二哲兩廡皆少牢

乾隆十三年定

崇聖祠祀先聖五代以少牢

雍正元年增

歲支丁祭

銀四十兩崇聖祠祀銀八兩與清泉分年承備牲牢籩豆之品又香燭銀二兩五錢二分與府學分領之學田者以資學官生徒會課膏火之費而後專入于學官其丁役又從而欺侵之率百石租不得五十石提學按試教諭例解銀上學院給貧生益微少矣縣學田四百廿畝塘二百七畝園稅錢五千有奇今簿籍猶杜徵租歲入然官田與民田納稅縣絕矣

名宦祠祀用少牢丁祭後學官主其祀祠宋刺史鄆趙

逢龍

舊志稱其提舉常平究心荒政代輸逋負

明知府興隆周瑛

舊志云杜名宦傳今

檢無

羅山何珣

一作恂誤珣字廷瑞修書院

咸甯劉璣

政迹見事紀

聊城

丁孔璋

失其事

德清蔡汝枏樂山胡安

皆以講學名

鎮海游天

庭商止張一霽建安陳珪

並失其事

明通判池州丁旦

設義倉修

社學

延長薛之奇明推官鄒崑

並失其事

明縣丞思南田興吳

有傳

國朝衡永郴巡道漢中張兆熙

免荒糧振饑民招流亡釋俘虜

鄧州彭

而述

捏墾累民者奉文令視之

分守道奉天朱士傑

朱作宋誤免浮糧招流亡修城

興學

丹徒張仕可

廉明知兵

漢軍劉光業

康熙五十一年任失其事

知縣長

垣王鸞翀夏縣姚克欽

均有傳

副將衛王建

府志云見名宦傳檢無之

鄉賢祠牢禮同于名宦祠漢以來卅九人宋以前八人
皆取他縣人去取任意或乃非鄉人而祀之明代自王
仕達至王夫之卅一人惟臨武劉堯誨曾朝節鄒鄒統
魯居衡陽而未著籍其餘盡縣人也永樂時王仕達宣
德時王詔成化時易綱宏治時李繼宗正德時甯欽劉
黻祝詠蔣福陵王鑾嘉靖時朱希賢及子炳如徐廷相
歐世祿易泉李珊劉穩彭良臣王萬善張友舜伍讓甯
咸萬厯時陳宗契陳聖典伍定相崇禎時管嗣裘李國
相王介之及弟夫之皆自有傳凡歲二祀與名宦祠共

祀銀八兩

管嗣裘以下不宜爲明代
鄉賢因舊所題未可輒改

忠義孝弟祠無主名

節孝祠舊入主者自明易子達妻曾氏以次四十人蓋以意置立今同治十一年悉取已旌表身故者列主祀之二祠皆少牢禮同鄉賢祀銀不更支

關廟祠蜀前將軍關羽以春秋二仲月及五月十三日用太牢咸豐三年頒樂章六佾之舞祀銀自嘉慶十九年始定支二十二兩四錢_少存留無款于起運項內歲

支之衡州知府承備縣令隨祀初縣中惟有五月一祀知縣出俸銀十八兩備牲品乾隆四十二年知縣陳篤與清泉知縣金毓奇議分備三祀衡陽司春清泉司秋

各出俸銀十一兩五月祀銀仍十八兩二縣公出焉及

定支祀銀用官費矣同治十一年春始定官祀于新祠

杜縣署東百五十步

知府李鎬記曰衡州府城西北門內有廟祠蜀前將軍關侯其初建

不知何時志載明桂藩就國於衡重葺之昔所稱碧泉山者卽其地自明以來加侯帝號天下立祠官曰武廟民祠曰關帝廟府城中官民祠宇凡五茲廟經營由來宜最先太子少保侍郎彭玉麟嘗讀書其中自後日就圯竄住持僧私鬻於長沙商賈爲公所衡清人士出貲贖之謀修造侍郎在江南軍次首寄二千金爲之倡眾醵金集其事未幾侍郎乞恙歸衡商之楊都轉澍庀材鳩工丹雘一新適鎬權斯郡觀厥成焉守土官秩祀關廟其宇宜清潔尊嚴以葺禮事廟地固屬衡陽縣鎬定爲府縣奉祠之所春秋明禋得趨蹌將事其間衡士大夫謂宜有文記修復之由鎬惟今府城當漢時爲沔陽縣城建安廿年孫氏爭零陵三郡關侯董督荊州躬至益陽遣破樊都尉屯鄴拒呂蒙乃割湘水爲二國界後四年沔陽卒入於吳神之督荊志圖中原威震華夏操

同治十一

禮典八

衡陽縣志